

rare dignatus est, ut enunciatum festum SS. Septem Fundatorum calendario universali inscribatur die insequente, quae est prima libera iuxta Rubricas, nempe duodecima eiusdem mensis Februarii, tanquam propria seu quasi natalitia; atque in casu impedimenti pro aliquibus locis, institutis et ecclesiis servetur decretum generale n. 3811 *Super duobus festis vel officiis eadem die occurrentibus*, diei 21 Novembris 1893. Contrariis non obstantibus quibuscumque. Die 8 Ianuarii 1908.

S. Card. CRETONI, *Praefectus*.

f D. Panici, Archiep. Laodicen., *Secretarius**

ANGELOPOLITANA

Ds usu lucis electricae et de cantu mulierum in ecclesiis.

Rmus Dnus Raymundus Ibarra et Gonzalez, Archiepiscopus Angelopolitana in republica Mexicana, a S. Rituum Congregatione sequentium dubiorum solutionem reverenter exposcit:

I. Per decretum S. R. C. n. 3859 die 4 Iunii 1895 declaratum fuit « lucem electricam adhiberi posse in templis non ad cultum sed ad tenebras depellendas, seclusa omni theatriali specie » (i). Iamvero cum a nonnullis tale decretum nimis late interpretari videatur, ad controversias dirimendas, quaeritur in particulari:

1. Licebitne apponere in altari in quo SS. Sacramentum publicae fidelium patet venerationi eléctricas lampades, sive tabernaculum circa, sive in vasis florigeris quae inter candelabra locantur?

2. Fasne erit imagines SS. Cordis Iesu, vel B. Mariae Virginis iisdem electricis circumcingere luminibus, ad instar scilicet fulgidae coronae circa caput, lunae sub pedibus, vel.

(i) Cfr. *Acta S. Sedis*, vol. 28, pag. 53.

ad modum solarium radiorum ad latera ; et in capitibus duodecim Apostolorum linguas igneas effingere rubeis lampadibus?

3. Permittine demum poterit quod in lampadibus quae ex ecclesiae fornicibus pendent, candelae ex cera, fictis candelis electricis substituantur ?

IL Per decretum n. 3964 *De Truxillo* die i 7 Septembris 1897 prohibitum fuit ut << mulieres ac puellae intra vel extra ambitum chori canant in missis solemnibus », idemque confirmatum est die 19 Februarii 1903 (i). Attamen cum in *Motu proprio* SS. D. N. Pii PP. X *Inter pastoralis officii* de musica sacra d. d. 22 Novembris 1903 praecipiat ut « cantus gregorius in populi usus restituendus curetur, quo ad divinas Laudes mysteriaque celebranda magis agentium partem, antiquorum more, fideles conferant » (2) quaeritur : Licebitne permittere ut puellae ac mulieres in scamnis sedentes, ipsis in ecclesia assignatis separatim a viris, partes invariables missae cantent ; vel saltem extra functiones stricte liturgicas, hymnos aut cantilenas vernaculas concinant ?

Et Sacra Rituum Congregatio , ad relationem subscripti Secretarii, exquisitis votis utriusque Commissionis tum Liturgicae tum de musica et cantu sacro, omnibusque sedulo perpensis, ita rescribendum censuit :

Ad I. Pro tribus quaestionibus particularibus dentur et servantur decreta iuxta alias similes resolutiones (3).

(1) Cfr. *Acta S. Sedis*, vol. 35, pag. 622. In citato decreto *De Truxillo* ad propositum dubium : « an servari possit mos in aliquam ecclesiam, etiam cathedralem, invectus, ut mulieres ac puellae intra vel extra ambitum chori canant in missis solemnibus, praesertim diebus per annum solemnioribus », rescriptum fuit : « Invectam consuetudinem, utpote Apostolicis et ecclesiasticis praescriptionibus absonam, tamquam abusum esse prudenter et quamprimum eliminandam, cooperante Capitulo seu clero ipsius ecclesiae curae et auctoritati Rmi sui Ordinarii » (N. R.).

(2) Cfr. *Acta S. Sedis*, vol. 36, pag. 829 et 387.

(3) Ad primam propositam quaestionem videtur, esse negative respondendum iuxta decretum in *Natcheten*. 16 Maii 1902 (Cfr. *Acta S. Sedis*, vol. 34,

Ad II. Affirmative ad utrumque, et ad mentem. Mens est: i°. ut intra christifideles viri et pueri, quantum fieri potest, suam partem divinis Laudibus concelebrandis conferant, haud exclusis tamen, maxime ipsorum defectu, mulieribus et puellis; et 2° ut ubiufficiatura choralis habetur, cantus exclusivus mulierum, praesertim in cathedralibus ecclesiis non admittatur, nisi ex gravi causa ab Ordinario agnoscenda; et cauto semper ut quaevis inordinatio vitetur (i).

Atque ita rescripsit, die 17 Ianuarii 1908.

S. Card. CRETONI, *Praefectus*.

f D. Panici, Archiep. Laodicen., *Secretarius*.

NOVARIEN.

De Missa et officio persolvendis iuxta ritum ecclesiae.

R. D. Petrus Gnappa, canonicus praepositus loci *Cannobio* dioecesis Novariensis, de consensu sui Rmi Episcopi, Sacro-

pag. 761), quo generatim prohibetur lux electrica una simul cum candelis ex cera super altari. Quoad alteram vero, quum in casu non agatur de proprie dicto cultu, res remittenda videtur prudenti Ordinarii iudicio, prout iam decisum fuit in Declaratione diei 22 Nov. 1907 (Cfr. *Acta S. Sedis*, vol. 40, pag. 750), dummodo quaevis theatralis species excludatur: ceterum hic mos in pluribus ecclesiis Urbis ipsaque in Basilica Vaticana inductus conspicitur. Denique nullum dubium adesse potest relate ad tertiam quaestionem; nam in casu lux electrica non stricte inservit ad cultum sed potius ad depellendas tenebras et ecclesiam splendidius illuminandam, sicuti declaratum fuit in decreto diei 4 Iunii 1895 (Cfr. *Acta S. Sedis*, vol. 28, pag. 53) - (*N. R.*).

(i) Hodierna decisione aliquantisper mutatur disciplina hucusque vigens circa cantum mulierum in ecclesia. Imprimis in functionibus etiam liturgicis magis inculcatur cantus, simultaneus vel alternativus fidelium sive virorum sive mulierum, quae tamen extra chorum et ambitum organi stare debent separatae a viris. Quin imo generatim loquendo admittitur etiam cantus exclusivus mulierum, iuxta modum supra dictum, praesertim cum non extent pueri vel viri ad canendum apti. In cathedralibus vero aliisque ecclesiis, in quibus adest ufficiatura choralis, cantus exclusivus mulierum non permittitur nisi ex gravi causa ab Episcopo approbanda (*N. R.*).